



MEMORIA XUSTIFICATIVA E ECONOMICA DA S.A. DE XESTION DO PLAN XACOBEO RELATIVA AO CONVENIO DE COLABORACIÓN COA ASOCIACION DE AMIGOS DE LOS CAMINOS DE SANTIAGO DEL SURESTE –CAUDETE

PRIMEIRO.-

1.- Constitúe o obxecto da Sociedade, entre outras as seguintes actividades

- As relacións coas asociacións de amigos do Camiño de Santiago.
- A coordinación de actuacións específicas relacionadas coa cultura xacobeá, en especial, as exposicións, así como a execución das encomendas de xestión que se poidan realizar nestas materias.

A S. A. de Xestión do Plan Xacobeo considera esencial e imprescindible o labor das Asociacións de Amigos do Camiño de Santiago en orde a potenciar os itinerarios xacobeos, a información aos peregrinos, os programas de voluntariado como hospitaleiros nos albergues, a promoción da cultura xacobeá e todo aquilo que redunde en beneficio do Camiño de Santiago e dos peregrinos.

O Camiño de Santiago reúne unha rica experiencia histórica e a vivencia intercultural contemporánea nun excepcional escenario natural, patrimonial e humano. Ao longo dos séculos o Camiño de Santiago consolidou unha amplísima rede de itinerarios que abrangue toda Europa e España e que ten como meta a Catedral de Santiago de Compostela, en definitiva Galicia.

A ASOCIACION DE AMIGOS DEL CAMINO DE SANTIAGO DEL SURESTE-CAUDETE, ten entre os seus fins “ *Potenciar e coordinar labor en orde á revitalización, defensa, conservación investigación e protección do medio ambiente e potenciación do patrimonio histórico e cultural dos Camiños de Santiago*” .

Entre as diversas actuacións que promoven está a formación de hospitaleiros voluntarios para atender aos albergues de peregrinos; a limpeza, mantemento, conservación e marcado do Camiño de Santiago e outros Itinerarios culturais no seu ámbito territorial, a realización de actividades de difusión da peregrinación xacobeá, etc.

A ASOCIACION DE AMIGOS DEL CAMINO DE SANTIAGO DEL SURESTE-CAUDETE, vai desenvolver un proxecto denominado V Xornadas do Camiño de Santiago en Caudete. A tal fin realizarán diversos actos: conferencias, unha xornada de portas abertas no albergue de peregrinos “Santa Ana” rexentado pola Asociación, percorrido por un tramo do Camiño de Santiago entre Montealegres del Castrillo e Pétrola para a súa potenciación e coñecemento pola poboación local, etc.



Igualmente realizarán folletos e carteis sobre as xornadas e a edición de 3.000 trípticos impresos a cor coa descrición dos dous tramos do Camiño de Santiago en Caudete, así como as normas de funcionamento do albergue.

Con ditas actividades a Asociación, pretende unha maior visualización do Camiño e da cultura xacobeas, en consecuencia, de Galicia, pois o Camiño de Santiago é un conxunto de itinerarios históricos de impacto cultural e económico de primeiro orde cuxa meta, en todos os casos, é Galicia. Polo tanto estas actividades fomentarán o propio Camiño e a súa difusión.

A colaboración iniciada no ano 1992 pola S.A. de Xestión do Plan Xacobeo para a difusión das rutas xacobeas coas Asociacións de Amigos do Camiño de Santiago, instaladas tanto dentro coma fóra do territorio galego converteuse, co paso dos anos, nunha ferramenta imprescindible para fomentar a chegada de peregrinos que, á súa vez, impulsan o desenvolvemento económico e social de Galicia. Estas entidades son as principais prescriptoras e informadoras dos futuros peregrinos, distribuindo cada ano, nos cinco continentes, milleiros de credenciais, folletos informativos, etc., que teñen en todos os casos a Galicia como meta. Como é fácil comprobar en decenas de webs e redes sociais realizan estas accións sen custe para a nosa Comunidade Autónoma, maila concentrarse aquí os tramos finais de todas as vías xacobeas e a meta das mesmas.

Manter esta colaboración coas Asociacións do exterior de Galicia é fundamental para asegurar o fluxo de peregrinos xa que o espazo físico do Camiño, tanto na historia como no presente, ten unha dimensión que transcende o ámbito galego, español e europeo. Así queda acreditado no número de peregrinos que cada ano acoden a Compostela.

Por todo o descrito, as referidas actuacións que se desenvolverán dentro do ámbito de vixencia deste Convenio, encaixan no marco das relacións coas Asociacións de Amigos do Camiño de Santiago que ten encomendadas esta Sociedade Anónima, non sendo posible promover a concorrência pública, dada a especificidade do programa e a natureza da Asociación única no seu ámbito territorial.

Ademais este convenio cumpre cos criterios obxectivos de selección sinalados no Plan Estratégico, en concreto:

a/ criterios xerais

- É un proxecto tecnicamente completo, pois a documentación que se achega xustifica suficientemente a súa formulación.
- O proxecto é viable, tanto en termos de execución económica como social.
- Realízase a difusión e promoción do Camiño de Santiago



- Na medida do posible contempla a difusión dos resultados acadados ante a opinión pública, contribuíndo deste xeito ao labor de sensibilización ao redor do Camiño de Santiago.
- A Asociación conta cunha ampla experiencia que garante a súa capacidade técnica, organizativa e de xestión para levar a cabo o proxecto a realizar.
- O apoio a esta Asociación redonda de maneira efectiva na conservación, recuperación e difusión do Camiño de Santiago e da cultura xacobeá, pois estas labores as desenvolve periodicamente.

b/ criterios específicos:

- A Asociación de Amigos del Camino de Santiago del Sureste – Caudete posúe aproximadamente 50 socios, que cómpre valorar nunha pequena vila da provincia de Albacete de escasamente 10.000 habitantes, o que significa unha relevancia social importante.
- A implantación da Asociación do territorio do Corredor de Almansa que comunica a zona de Levante coa Mancha posibilita que este colectivo xestione un amplo tramo do Camiño do Sureste que comeza en Alicante. O seu labor de conservación e sinalización do Camiño nese territorio é amplamente recoñecido.
- Neste ano 2016 a asociación organiza a quinta edición destas xornadas do Camiño de Santiago en Caudete que acredita un traballo continuado no tempo e en progresión.
- Tanto a zona de Levante como a zona de Castilla – La Mancha aportan un número significativo de peregrinos pero aínda lonxe doutras rexións de España con mais tradición peregrinatoria polo que é preciso afondar en accións como a presente para contribuír ao incremento do fluxo de peregrinos desta procedencia.

O orzamento da actividade a financiar ao abeiro deste convenio é o seguinte:

CONCEPTO			TOTAL
40 Carteis publicitarios impresos a cor coa medida 32x45. (V Xornadas do Camiño de Santiago en Caudete)			56 €.
300 Folletos de man impresos a cor con horarios e descripción das xornadas do Camiño de Santiago en Caudete			85 €.
3000 Trípticos impresos a cor, con descripción do Camiño de Santiago en			470'63 €.



Caudete			
Traslados en autobús para a realización da etapa no Camiño do Sureste Montealegre do Castillo-Pétrola			320 €.
Acompañamiento dos seus compoñentes tocando a gaita na xornada de Portas Abertas no albergue de peregrinos "Santa Ana" de Caudete			180€.
COSTE TOTAL			1.111,63 €

A S.A. de Xestión do Plan Xacobeo aboará a cantidade de 1.000 euros coa finalidade de ser atendidos parte dos gastos xerados con cargo aos orzamentos do ano 2016 e na conta contable 627 que se distribuirán segundo o exposto anteriormente. A achega so cubrirá o custe para o desenvolvemento das actividades sen que a Asociación poida obter beneficio algún polo mesmo.

A través deste convenio de colaboración establécese unha achega monetaria sen contraprestación da S.A de Xestión do Plan Xacobeo, o que se axusta á figura xurídica privada da doazón modal e que debe suxeitar aos principios de xestión contidos no artigo 5.2 e aos de información a que fai referencia o artigo 16, ao abeiro do disposto no artigo 3.2 da Lei 9/2007, do 13 de xuño, de subvencións de Galicia.

Así mesmo, e como quedou exposto máis arriba, a subscrición deste convenio e a achega que con él se obriga a realizar a S.A. de Xestión do Plan Xacobeo garda relación directa co obxecto da actividade contido nos seus estatutos.

En Santiago a 10 de outubro de 2016

Rafael Sánchez Bargiela
Director-Xerente